



COLEGIO CRISTO REY

Brazil 39 B – Aruba Tel: (297)-5847386

Email: colegiocristorey@skoa.aw

Mayornan,

Pa medio di e buki aki, director y personal di Colegio Cristo Rey ta presenta na bo e **Guia pa Mayor 2021-2022.**

Den e buki aki mayor ta haya informacion cu ta importante pa tanto e mayor como e alumno. Informacion tocante e materianan cu bo yiu lo ricibi, *Enseñansa dirigi riba e Alumno*, palabracion, reglanan di scol y fecha di actividadnan

Meta di un scol basico no ta solamente duna e alumno enseñansa (instruccion) pero tambe informacion cu ta yuda forma su caracter despues pa e dia di mayan.

Ta pesey tambe nos ta sigui mantene principionan di e programa “**Disciplina Conciente**”.

Nos comunidad ta multicultural p`ese y e mucha mester por haya hermentnan cu lo yud’e traha ariba su futuro y siña comunica cu otro. Ta pesey nos ta traha tambe riba e parti emocional/spiritual di nos alumnonan.

Nos meta ta pa yuda capacita nos alumno di tal forma cu e por bira un ciudadano responsabel y satisfecho, cu tin interes pa sigui educa su mes pa asina e por beneficia su comunidad/pais.

Mas ainda den e temporada dificil aki cu cambionan debi na pandemia di COVID 19, scol mester a adapta su formanan di duna les y contacto cu alumno y mayor.

Pero toch nos ta contento di por ofrece bo e buki aki di manera cu bo por studi’e y ta na altura di loke ta pasa na scol.

Nos ta haci esaki pasobra abo, mayor, hunto cu e alumno ta hopi importante pa nos. Hunto nos ta forma “un famia” .

Di antemano masha danki pa bo cooperacion.

Na boso yiu HOPI EXITO den su enseñansa.

Director y personal di Colegio Cristo Rey



COLEGIO CRISTO REY

Brazil 39 B – Aruba Tel: (297)-5847386

Email: colegiocristorey@skoa.aw

Introduccion

Colegio Cristo Rey (C.C.R.) ta un scol basico Catolico cu ta resorta bou di Stichting Katholiek Onderwijs Aruba (SKOA). Nos ta situa na Brazil y nos ta consisti di 6 klas cu airco.

Nos Vision

C.C.R. ta duna e mucha un educacion basico Catolico di tal manera cu e por:

- Conoce y desaroya su habilidadnan cognitivo y personal.
- Prepara e mucha pa asina e por forma parti di nos comunidad, a traves di e diferente lesnan y acercamento pedagogico, entretoto: geografia, spiritualidad/norma y balor y mas.

Nos Mision

C.C.R. ta stimula nos alumnonan pa nan sigui desaroya nan mes door di:

- Implementa diferente manera didactico ora di duna les: Traha den grupo, individual y tambe nos ta haci uzo di tecnologia (tv, laptop etc.)
- Empatia; tene cuenta cu otro, respeta y yuda otro, incluyendo e mayornan.
- Crea un atmosfera sigur y agradabel, pa e alumno– y maestronan.
- Ta flexibel y haci e alumnonan tambe consciente di e cambionan rapido cu ta sosode den nos sociedad y asina coach nan riba nan desaroyo personal.

Apertura di luna

E prome dialuna di e luna nobo henter scol lo bin hunto pa asina nos yama e luna bon bini y duna balor na nos Himno y Bandera. Esaki ta duna nos como scol e oportunidad pa papia riba topiconan actual di scol pero tambe riba topico social of religioso relevante di comunidad. Na mes momento nos ta premia nos alumnonan cu a sobresali den un of otro actividad. Esaki ta duna nos e oportunidad pa stimula comportacion positivo y corigi comportacion menos positivo na scol. Esaki por sosode mas biaha den luna tambe segun necesidad of tema.

Ken ta forma parti di e personal di scol?

		
Klas 1: Juf. Sulaika Croes cu 16 alumno	Klas 2: Juf. Anchère Martis cu 21 alumno	Klas 3 Juf. Henryenne Abdul cu 18 alumno
		
Klas 4: Juf. Lila Bernabela cu 18 alumno	Klas 5: Juf Mari cu 23 alumno	Klas 6: Juf. Jacky de Cuba-Franken cu 14 alumno
		
Coordinadora cuida interno: Juf. Anouschka Garcia-Connor	Cabesante suplente / Projecto Kibrahacha: Juf. Patricia Wendriks	Maestro di guia di alumno Men. Anwar Faarup
		
Maestra di guia di alumno: Juf. Marushka Lacle - Smarius	Personal di sosten: Sra. Bibi Yarzagaray-Walima	Cabesante: Men. Jani Stamper

E materianan cu bo yiu ta haya na scol.



❖ **Les di religion Catolico (godsdiens)**

Lesnan di religion Catolico of godsdiens ta hopi importante ya cu nos scol ta un scol Catolico. Klasnan tin 2 of 3 biaha les di religion seungun programa di SKOA y calendario di Misa.

Den e lesnan aki ta trata temanan actual riba nivel di mucha, segun edad.

Temanan tuma for di Bijbel den forma di storia y intercambio di idea.

Cada klas ta usa proyecto of buki traha door di Centro Katechetico Aruba.

Tur dia ta cuminsa y termina e dia di scol cu un oracion of pensamiento religioso.

Ta sigui cu e tema central p`e ana aki : Un scol cu ta educa concientemente.

Lo trata e temanan bon comportacion na cas, relacion entre hendenan den comunidad, educacion, amor, comprension y honestidad, norma y balornan.

Naturalmente tin nos dianan special eclesiastico y fiestanan oficial cu ta sali di nos religion. P.e. Pasco di Nacimiento, Pasco Grandi , Fiesta di Cristo Rey, Asuncion etc. E alumnonan por bai misa e ora ey.

❖ **Matematica (rekenen)**

Den klas 1, 2, 3, 4, 5 y 6 nos ta uza e metodo “**Wereld in Getallen**”.



E metodonan ta haci uso di experencia y conocimiento di e alumno mes cu e tin rond di dje pa e siña rekenen. Sin lubida ehersicionan cu tafels y contamento fo`i cabes. E metododo ta pone enfasis riba laga e mucha mes descubri solucionnan, comparti y discuti esakinan cu otro y maestro. Nan ta compara ken tin e miho solucion y con ta yega na e resultado. Nan ta siña cu no ta tur biaha tin un caminda so pa yega na e solucion. E maestro ta guia e les y laga e alumno traha tambe independiente of den grupo. Tambe e metodo ta pone enfasis riba comprendemento. E alumno mester comprende ta dicon e solucion ta asina ya e por usa e solucion aki den cualkier otro situacion parecido. Den cada klas ta usa diferente tipo di material dependiendo di e edad di e alumno. Nos por menciona dou, holoshi, ficha, spiel, kralchi, cinta pa midi, werkboeken, stencils, calculator, etc.



❖ **Hulandes (taal)**

Pa idioma Hulandes nos ta usa den klas 1 e metodo “**Veilig lerel lezen**” cu ta un metodo combina di idioma y di lesa. Pa klas 2 te cu 6 ta usa metodo “**Taal Actief**”.

E metodo nobo aki ta pone hopi enfasis riba ehercisionan cu e idioma, conocimiento di palabranan nobo, pronunciacion, skirbimento y conbersacion.

Mayoria di nos alumnonan ta bin di casnan caminda ta papia Papiamento y masha poco ta scucha of papia Hulandes. Pa e motibo aki Hulandes ta un idioma stranhero y dificil pa nos muchanan.

Ta pesey nos mester stimula e yiu pa lesa buki.

P`esey ta inevitabel cu de bes en cuando ta usa Papiamento pa splica e mucha cierto conceptonan.

Den klas 1 y 2 e idioma di instruccion ta Papiamento combina cu Hulandes.

Esaki gradualmente den klas 3 ta bira Hulandes so.

E reparticion di e metodo den e klasnan ta:

Klas 2: Taal Actief 2 A y 2B

Klas 3: Taal Actief 3 A y 3B

Klas 4: Taal Actief 4 A y 4B

Klas 5: Taal Actief 5 A y 5B

Klas 6: Taal Actief 6 A y 6B

Den klasnan 4, 5 y 6 ta siña e alumnonan traha cu un diccionario.

❖ **Skirbimento (schrijven)**

Pa kirbi/schrijven nos ta usa e metodo “**Pennenstreken**”.

No solamente nan te siña e alumnonan kirbi letter segun un metodo pero tambe ta train kirbi carta, dibuha letter, haci ehercisionan cu no ta solamente kirbi den e conocido “schrijfschrift”.

Den klas 1 e muchanan ta kirbi cu potlood y gradualmente den klas 2 ta cuminsa uza pen.

E maestronan ta pone hopi atencion na con e leternan ta wordo kirbi.

No solamente den e schrift special pero den tur otro schrift.

Naturalmente ta tene cuenta cu alumno cu ta kirbi cu man robes.



❖ **Lesamento (lezen)**

Lesamento ta masha importante.

Dor di lesamento nos ta haya sa hopi cos. E ta un di e materianan mas importante na scol. Lesamento ta bon pa yena tempo liber, amplia e mucha su vocabulario, amplia su conocimiento di tipiconan y subi su habilidad pa lesa y compronde otro idioma.

Den klas 1 ta siña e mucha e principianan basico di lesamento na Hulandes.

Nan ta siña conoce y reconoce letter y nan zonido.

Despues ta unifica nan den palabra pa despues huntanan den frase.

E muchanan ta wordo getest segun e sistema AVI. E sistema aki ta parti di lesamento tecnico den 9 nivel. Esaki tambe ta e sistema cu ta uza pa cada mucha escohe buki pa lesa. E aña aki atrobe tur alumno lo wordo reparti den grupo di nivel y lo haya instruccion y ehercicio pa yudanan hisa di nivel.

Por usa bukinan segun edad pero tambe buki segun nivel individual di lesamento den klas. E aña aki den e siman di 30 di oktober pa 6 di November atrobe lo tin e “Festival di Buki pa mucha”.

❖ **Geografia (aardrijkskunde)**

E curiculo di geografia ta cuminsa den klas 3.

Ta cuminsa cu orientacion facil rond di e mucha y su ambiente; unda nos ta biba, nos cas, nos bario, nos isla, nos pais.

Poco poco e mucha ta siña conoce diferente concepto geografico manera e globo (wereldbol), atlas y e mapanan di mundo of pais, climanan, etc.

Cada klas ta haya geografia 1 of 2 bes pa siman.

E lesnan no ta mara solamente den klas y for di buki pero ta purba sali cu e alumnonan pa nan experiencia e topiconan mas di serca den e posibilidadnan cu nos isla ta duna.

Ta haci uzo tambe di computer y internet.



❖ *Historia (geschiedenis)*

Alumnonan di klas 4 te cu 6 tin e material historia riba nan rooster.

E metodo cu nos ta usa yama **“Een tijdvonkje”, “Un Chispa di tempo”**.

E ta trata for di nos antepasadonan te cu nos structura estatal actual.

Tambe ta dedica atencion na personahenan importante di mundo.

E alumno ta siña historia di su pais y tur acomtecimento di importancia historico.

Relaciona cu esaki e ta siña tambe algo di historia di otro pais cu tabata tin y tin influencia ariba e historia di Aruba.

Den cuadro di e lesnan ta organisa excursiannan na lugarnan historico, museo of exposicion.

Mayornan lo ripara cu e yiu lo bin cu pregunta y tarea pa cual e mester di boso ayudo.



❖ *Conocemento di Naturalesa (K.D. N.).*

Pa klasnan 1, 2 y 3 e materia aki ta integra den e materia **“Wereldoriëntatie”**.

Pa klasnan mas halto e ta aparece como K.D.N. y ta wordo duna 2 bes pa siman.

Den e lesnan aki e alumno ta siña diferente topico cu tin di haber cu entre otro mata, bestia y hende.

E aña aki klas 5 lo sigui traha conhuntamente cu Parke Arikok pa trata lesnan tocante nos naturalesa.

Ta di remarca cu Colegio Cristo Rey pa hopi aña caba ta dedica atencion na nos medio ambiente.

E aña aki atrobe ta haci e beach di Zeewijk limpi y of ta participa na diferente accion di limpieza den nos bario. E alumnonan ta haya charla riba e tema aki y ta bishita lugarnan den nos naturalesa.

E dia di e limpieza aki lo ta 5 di november.

Durante e aña e alumnonan ta haya charla di expertonan riba e topiconan tentamento, droga, sexualidad (klas 5 y 6), reciclahe y cuida di medio ambiente, termento, bulliying via instancianan den nos comunidad.



❖ **Lesnan di trafico (verkeer)**

E alumno ta siña tocante lesnan di trafico en general y despues ta basa nan mes ariba e trafico ariba caminda.

Lesnan di conocimiento basico di regla y situacionnan di trafico ta ser duna den tur klas y den klas 5 nan ta haci un “verkeersexamen”. E biaha aki alumnonan di klas 5 aña pasa tambe lo haci examen. Esnan cu pasa nan examen cu exito ta haya un diploma di trafico.

Pa e lesnan aki ta uza e metodo “Prototipo” reforsa cu “Jong geleerd, oud gedaan”, Alles over verkeer”.

Klasnan abou ta haci uzo di hopi wega y storianan pa laga e muchanan wak y compronde ta con mester comporta den trafico y no hasi cosnan peligroso ora di cana riba caya of core den auto.

Tin bishita di autoridadnan policial pa duna e maestro ayudo cu e lesnan den klas segun peticion di scol.

❖ **Educacion fisico (gym).**



Colegio Cristo Rey ta haci uso di su speelzaal y gymzaal.

Klasnan 1 te cu 6 ta haya les di nan maestro y un instructor di IBISA, (antes IDEFRE). Klas 3 tin les di landamento pero nos ta purba di incorpora nan tambe den actividadnan di otro tipo di movimiento. Tin reglanan apart pa klas 3 tocante landamento.

Gym ta bin tur diamars y diabierna. Den e lesnan aki e alumno ta sera conoci cu weganan mas structura y reglanan manera volleybal, football, basket, gymnastiek. Tambe nan ta haya lesnan cu topiconan cu ta trata nan salud, gezondheidszorg.

Pa varios aña caba C.C.R. ta participa cu exito na actividadnan deportivo escolar.

Pa e lesnan di gym ta obligatorio bisti paña adecuado ya cu esaki ta haci e movimentonan mas facil y ta exigencia tambe di IBISA.

Si no tin paña adecuado, short y t-shirt no por participa na gym.

Scol tin su mes uniform pa lesnan di gym cu ta obligatorio.

❖ ***Lesnan di Civismo (maatschappijleer)***

Den tur klas ta duna les di civismo. Tin biaha esaki ta den combinacion cu e materia wereldoriëntatie den e klasnan abou. Combina cu historia, geografia of godsdiens den e klasnan mas halto.

Ta usa tambe temanan di nos mes comunidad adapta na mucha.

E meta di e materia aki ta pa siña nos muchanan cosnan basico di nos pais di tal manera cu nan por bira ciudadanonan cu por participa na un manera responsabel den nos of otro comunidad na mundo. Esaki pasobra cu nos ta biba den un comunidad multicultural y mester por acepta y respeta otro. E tema di COVID 19 y su consecucionan ta un tema cu regularmente lo sigui wordo trata.

❖ ***Otro materianan***

Aparte di e materianan ariba menciona tambe nos alumnonan ta haya otro materianan di character expresivo.

Esakinan ta cantamento, obra di man y comedia/drama.

E materianan aki ta masha importante pa desaroyo personal di e mucha.

Aki e mucha por siña conoce su habilidadnan personal y por sigui desaroya esakinan.

Den klas 5 y 6 e alumnonan ta haya les di Spaño di un maestro specialisa.



Enseñansa dirigi ariba e alumno (Leerlinggericht onderwijs)

Diferenciacion

E sistema di duna les aki ta sali for di punto di bista cu cada alumno ta diferente y ta tene cuenta cu e diferencianan aki ora ta duna les. Hasta e alumno cu tin mes un edad por diferencia for di otro.

E diferencia por ta sinta den inteligencia, capacidad, conocimiento, den forma di siña, con lihe, interes, etc. Ora tin diferencia ta tene cuenta cu tur loke a wordo menciona ariba y e maestro(a) ta guia e alumno e ora ey segun su nivel.

Tin alumnonan cu mester di lesnan na nan nivel aunke nan ta den un klas cu ta trata un programa cu ta hopi dificil pa nan. a peaseyn 3 maestro cu tin e gia di e alumnonan aki bou di nan encargo. E alumnonan aki ta bai serca nan pa ricibi extra ayudo riba nan nivel.

Den practica esaki ta significa cu e alumno por ta den klas 4 pero e ta haya p.e. matematica de klas 3 pa yuda compensa e fayó aki.

E intencion ta pa eleva e alumno su capacidad pa e por sigui les den e klas.

Nos maestronan tambe ta haya mas informacion y preparacion pa por traha cu e alumnonan aki y esnan cu ta duna problemanan di comportacion.

E aña aki nos ta sigui cu nos programa di “Conscious Dicipline” pa por minimalisa e sistema di duna straf. Meta ta pa haci e mucha conciente y responsabel pa su mes bon comportacion.

Algun beneficio ta cu e alumno no tin frustracion pa cosnan cu e no por pero lo experencia placer di tog haya tareanan cu e por.

E ta haya chens pa practica cu e topiconan cu e no ta domina.

E ta traha ariba su tempo. E ta haya mas atencion.



Vakantierooster voor het schooljaar 2021 - 2022

Augustusvakantie <i>ma 2 augustus 2021</i>	t/m	<i>wo 18 augustus 2021</i>	13 dagen
Oktobervakantie <i>ma 4 oktober 2021</i>	t/m	<i>vr 8 oktober 2021</i>	5 dagen
Kerstvakantie <i>ma 20 december 2021</i>	t/m	<i>wo 5 januari 2022</i>	13 dagen
Herdenking G.F. Croes [Dia di Betico] <i>di 25 januari 2022</i>			1 dag
Carnavalsmaandag <i>ma 28 februari 2022</i>			1 dag
Herdenking Vlag en Volkslied [Dia di Himno y Bandera] <i>vr 18 maart 2022</i>			1 dag
Paasvakantie <i>do 14 april 2022</i>	t/m	<i>vr 22 april 2022</i>	7 dagen
Koningsdag <i>wo 27 april 2022</i>			1 dag
Arbeidsdag <i>ma 2 mei 2022</i>			1 dag
Hemelvaartsvakantie <i>do 26 mei 2022</i>	t/m	<i>vr 27 mei 2022</i>	2 dagen
Julivakantie <i>ma 11 juli 2022</i>	t/m	<i>vr 29 juli 2022</i>	15 dagen
Totaal			60 dagen

Reglanan di scol

Nos ta spera cu mayornan repasa e reglanan di scol hunto cu nan yiu p'asina tur hende ta na altura di nan. E reglanan tey pa tur cos bai bon na scol y nos ta spera cu tur tene nan mes na e reglanan.

1. Nos ta percura pa ta na scol na ora tur dia.
2. Nos ta traha / siña nos huiswerk nechi y bon.
3. Nos no ta lubida nos huiswerk, buki, schrift of ringband na cas.
4. Nos ta laga nos mama of tata firma e huiswerk, schrift, agenda, strafwerk of proefwerk ora meneer of jufrou pidi esey.
5. Nos no ta bringa na scol.
6. Nos no ta papia palabra malo of cu dobbel sinti na scol. Ni cu mucha, ni cu hende grandi. Nos ta papia nechi y cu respet na scol.
7. Nos ta cuida tur material di scol den nos klas: e bukinan, schriftnan y otro material. Pesey nos tin un bon tas.
8. Papel y otro sushi nos ta tira den e baki di sushi. Nos ta tene nos klas y scol limpi.
9. Nos ta tene nos scol bunita: nos no ta scirbi riba nos banki, stoel of muraya.
10. Nos a bin scol pa siña, pesey nos ta pone atencion den klas.
11. Ora bel bati, nos ta bay para di biaha den rij. Nos ta para nechi den rij y ta drenta klas trankil.
12. Nos ta percura pa bisti nos uniform tur dia: nos ta bisti nechi y decentemente.
13. Cabey largo y renchi orea pa mucha homber no ta permiti.
14. Ora nos ta malo, ora nos no bin scol of ora nos yega scol laat, nos ta trece un carta.
15. Nos no ta hunga riba gang, den klas of patras di scol, ni den pauze of promer cu bel bati.

16. Nos no ta come mangel of bals na scol of den klas.
17. Nos no mag sali for di cura di scol sin permiso.
18. Ora juffrouw of meneer no ta den klas nos ta keda keto y no ta cana rond.
19. Ora di crusa caminda, nos ta keda para tras di e strepi te ora bisa cu mag di crusa.
Mi ta crusa e caminda meimei di e brigadiernan di trafico riba e zebrapad.
20. Mi banki semper ta na ordo: e bukinan, e schriftnan netjes poni, sin propjes, pan bieuw etc.
21. Nos ta tene e wc-nan nechi y limpi. Nos no ta hunga den e bañonan.
22. Nos ta tene nos biblioteca y videolokaal den bon condicion y limpi: nos no ta come eyden y nos ta cuida e bukinan, mesanan etc.
23. Nos ta stima naturaleza: pesey nos no ta hunga den e bakinan di mata y nos no ta kibra e matanan.
24. Mi ta muestra respet pa mi Himno y Bandera dor di para y canta bunita.
25. Mi ta muestra cu mi ta orguyoso di ta un alumno di Colegio Cristo Rey y mi ta orguyoso riba mi pais Aruba.
26. Si tin sospecho di arma of articulo prohibi/horta, cabesante of maestro tin derecho di listra alumno of su tas.

Cada klas tambe tin su reglanan p.e. pa y durante zelfstandig werken. Ta bon si mayornan tambe ta na altura di e reglanan di e klas di nan yiu. Tuma contacto cu e maestro/a di bo yiu.



COLEGIO CRISTO REY

Brazil 39 B – Aruba Tel: (297)-5847386

Email: colegiocristorey@skoa.aw

Suma di registracion y contribucion pa alumno

E suma di registracion of inscripcion ta **fls 175,-** pa aña pa cada mucha.

Tur mayor mester paga esaki. E suma ta wordo paga via banco segun e carta manda pa mayornan na cuminsamento di e aña escolar aki. E suma mester ta full paga pa final di oktober. **Por favor mayor cumpli.**

Di e suma **di fls 175,00** aki fls 35,00 ta bai pa SKOA su gastonan specifica den e carta pa mayornan, (administracion y seguro pa alumno).

*Ta importante pa paga esaki, pasobra e ora ey bo yiu **ta segura** durante excursion, deporte y otro actividadnan na scol of pafo di scol.*

Ta posibel pa haci un areglo di pago na S.K.O.A..

E number di cuenta di **S.K.O.A. ta: Aruba Bank 6005292.**

S.K.O.A. ta stricto den e asunto di keda sin paga.

No laga pa scol mester core tras di mayor pa cumpli cu e deber aki.

Si e pago di schoolgeld ta haci, manda un copia pa scol por yena esaki den su administracion.

Contribucion pa airco / Aircobijdrage

Nos scol tin dos airco den cada local. Nos a haya e aparatonan instala pero e coriente y mantencion ta cay pa scol mes percura p`e.

Esey kiermen cu scol mester cobra un suma pa por paga esakinan.

E suma ta **AWG 150,00** pa aña.

Por paga completo of segun termino cu scol ta palabra cu mayor.

Pagonan via **Aruba Bank: Aircobijdrage** riba cuenta # **2615620190** di **Colegio Cristo Rey** of personalmente na scol.

Corda manda un copia di e recibo pa scol pa asina nos por hinca esaki den nos sistema di administracion.

Uniform

E emblema di scol a wordo renoba. Por mira un mucha homber y un mucha muher ta rek pa gara e mundo di conocimiento y ciencia.

Gara e futuro cu bo man

Na Colegio Cristo Rey e alumnonan mester bisti nan uniform tur dia.

E uniform ta consisti di:

- ❖ Un polo-shirt blanco, blauw of geel cu emblema di Colegio Cristo Rey.
- ❖ **No** ta permiti polo of T-shirt blanco cu otro diseño of lemanan skirbi riba dje.
- ❖ Un carson (largo of cortico)/saya blauw. E tela por ta di jeans.
- ❖ Tur mucha tin cu bisti sapato of keds. Slof solamente pa zwemles of problema cu pia;
- ❖ Uniform pa gym ta obliga pa ora di les di gym y zwemles;
- ❖ Por haci pedido via IMPEX San Nicolaas.

Cada mayor mester percura pa e yiu tin suficiente uniform y esakinan ta na ordo pa e alumno por bisti. E regla aki no ta conta solamente pa C.C.R. pero pa **tur** scol di S.K.O.A. Nos sa cu riba e reglanan aki por tin motibonan pa excepcion. Por favor manda avisa scol di e situacion aki.

Leerplicht: Enseñansa Obligatorio

- ❖ Ora bo yiu falta scol of yega laat, por skirbi un carta of yama scol prome cu 9 or di mainta y duna e motibo.
- ❖ Si e alumno no trece carta e lo haya un carta di aviso pa su mayornan y scol lo mester informa departamento di **‘Leerplicht’**.
- ❖ Si despues ainda e presenta sin carta e mayor lo wordo yama door di su maestro of cabesante di scol.
- ❖ Percura pa bo yiu yega scol na ora p`asina e no perde parti di les of mas.
- ❖ E prome lesnan semper ta taal, rekenen of lezen cu te e materianan mas importante!